

增修甘泉縣志卷十七

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰續輯

甘泉縣知縣徐成敷 桂正華 朱公純 增訂

列女中

朱氏喬元馨妻歸二載而夫歿子甫週歲氏含辛撫孤
養舅姑唯謹終三十年足不出閫卒時異香盈室人咸
異之 參雍正江都志

陳氏李光第妻夫亡氏年二十七歲飲冰茹蘗至六十
四歲終媳劉氏亦二十七而寡撫遺孤夢英成立婦姑

增修甘泉縣志

卷十七

列女

一

俱稱貞操 同上

高氏林石臣妻十六于歸十九夫亡于士儀尚在襁褓

翁抱重恙高割股為髓翁疾愈 同上

鄭氏舉人秦之俊繼室夫病篤到股以進不效撫孤苦

節三十四年 同上

胡氏諸生王國本妻年二十六夫歿苦節自矢教育孤

子歷五十八年子任曾孫夢旂皆補諸生 同上

余氏劉居蓮妻夫歿守貞四十餘年年七十八卒 同上

陳氏梅調薰妻于歸甫及二載夫歿苦節三十餘年 同上

閻烈婦揚州人失其夫姓名夫死自縊以殉 同上

附王士祐廣陵閻烈婦古詩三首河洲有鷺鳥關關
鳴相隨顧影戀儔匹飲啄無乖離旣鮮弋人慕復何
網羅施運忽兀陽九中秋悵分飛寡鵠與孤鸞誰能
釋此哀長鳴念舊侶引吭一何悲鷺性輕縉繳宛轉
從此辭維彼鴛與鴛永附連理枝 高門毓名媛貞
烈本自天幼聞從德訓長嫻詩禮篇願言卸鉛華遠
希椎布賢方將共白首何期中道捐從一禮經著之
死風猶傳霜縑報夫子授命無遷延烈哉巾幗流心
與金石堅以之風百世廉立及孺頑 慷慨非所難
從容良不易方其誓几席當無兩岐眎寒泉延二豎

增修甘泉縣志

卷十七

列女

二

單裕冀沉痾垢髮與蠟丸百計求其志旣割兒女情
魂應化精衛甯知千載名祇求一心遂母也乃天只
殊不諒人意太息緬芳徽豐碑永無愧 古鉢集

丁氏張均妻均亡丁年二十八守節終身撫孤成立

同上

吳氏周珽妻順治十六年海氛及揚珽死於賊吳年始
二十撫一女守節四十餘年 同上

姚氏年十六適闕憶生生三子閱十載夫歿氏誓死撫
孤苦節六十餘年 同上

仇氏李杜文妻年二十四夫歿守節四十餘年 同上

周氏前光祿署正喬可傳妻年十六歸可傳閱十載夫

歿生二子方在襁褓氏備歷艱辛傭紉教子後次子死
遺孤孫氏撫之成立苦節五十年 同上

劉氏湯志遺妻年三十志遺歿氏矢志守節奉翁姑甘
旨無缺撫子成人歷五十三年 同上

邵氏王肇鎬妻夫歿氏年二十八茹苦守節至七十有
二歲無病而終 同上

程氏顧養正妻子歸未三載而養正歿氏年二十食貧
守節撫一子苦歷四十餘年 同上

潘氏生員汪清妻清卒幼子方在襁褓氏苦節自矢子
長皆自課之年六十卒 同上

增修甘泉縣志

卷十七

列女

三

閔氏生員吳瓚妻嫁六年而寡撫庶出子洵成立洵又
先卒復撫孫杓苦節歷四十年康熙三十八年題請建
坊 旌表 同上

糜氏林堪妻堪歿苦節自矢七十餘年卒 同上

馮氏生員陳維世妻維世歿馮守節撫孤歷三十餘年
子康爲邑諸生 同上

睢氏殷其雷妻其雷死子甫三歲睢撫之歷四十餘年
同上

王氏朱應時妻應時亡王事舅姑育孤子守節六十年
同上

王氏于應聘妻年十九歸應聘未浹歲而寡遺腹生男名桂叢教之成立終身茹素苦節四十七年 同上

宗氏桑應奎妻夫卒年二十九撫兩子事舅姑最孝家無宿春日營紡績以給守節四十餘年 同上

查氏金瑞玉妻夫歿年甫踰二十姑憐其少又家貧微言諷之氏截髮矢志撫藐孤堯年上奉老姑薪米之費悉出耨工指恒流血堯年稍長教以讀書俾克成立爲儒者苦節歷四十餘年乾隆元年題准 旌表

徐氏太學汪遐齡妻幼嘗割股愈母病旣嫁值夫與翁姑病皆割股療之前後凡四次方療姑時將產毅然奏

增修甘泉縣志

卷十七

列女

四

刀尤人所難者二子敦敏膚敏俱能文膚敏尤善書法

合參府縣通志

曹氏朱坪妻坪有隱德善醫曹每出簪珥購藥助其施予坪歿曹茹素終身 雍正江都縣志

王氏適新安吳伯順伯順歿子女俱幼家貧甚氏以女工自給訓子有成苦節三十餘年 同上

顧氏貢生歐民女適諸生王晉中晉中歿顧苦節三十餘年 同上

王氏孫肇符妻年十九夫亡撫遺腹子奕葉後葉授室殷氏葉卒殷亦以遺腹生子王年八十有二殷年六十

有一里中稱一門兩節焉

同上

葉氏貴秉敏妻敏歿守節撫幼子三人皆及成立曰吾今可見夫於地下矣遂大哭而絕

同上

鄭貞女江都邵伯人許字潘家子聞夫死卽自殉焉

附費錫璜詩貞女鄭氏女聘爲潘家婦本是同庚生
生小同里住陵茗附石岡長願石岡固石岡一日摧
陵茗不他附生不同衾枕死願葬一處誰謂妾命薄
爲歡到終古請看路傍墳定長鴛鴦樹

掣鯨堂集

楊氏余三台妻守節數十年教子鼎升成家

同上

陶氏武科張敏母夫逝持節不渝教子成名

同上

增修甘泉縣志

卷十二

列女

五

陳氏蔣有譽妻生二子有譽歿氏堅持苦節撫孤有成
四十餘年家賴以振

同上

朱氏諸生黃灝妻年十九灝歿生遺腹子宮擅苦節自

矢歷數十年

同上

彭氏汪周鼎妻鼎亡氏年二十八苦節撫孤五十餘載

同上

汪貞女靜姝祁門人明給事中惟效女孫明經震英女
許字同邑馬承運子恒未婚恒早逝貞女時年十八願
歸夫家守志編衣蔬食事堂上能得其歡病不服藥安
命而已先是震英家忽有孤燕來巢時汪氏方鼎盛家

咸訝之既而恒訃至始知其爲貞女祥也恒弟謙以長子曰楚爲之後茹苦四十七年卒於揚子曰楚孝友克家有文學請旌於

朝建綽楔焉

本傳

鄭氏諸生錢志偉妻夫亡守節教子永年入泮

雍正府志

方氏易尙文妻守節五十餘年

同上

袁氏梁巖妻苦節終身

同上

梁氏卞懋爵妻守節五十二年

同上

梁氏生員蕭維垣妻年二十九垣歿茹荼植節五十餘

年子說爲諸生

雍正江都志

增修甘泉縣志 卷十七 列女 六

曹氏王士美妻年二十八而寡撫孤安貧守節三十餘

年

同上

吳氏汪壽岳妻翁病劇割左臂肉進之立愈未幾夫歿

於外櫬返復割右臂肉奠曰所不與君養老成孤者有

如此肉後以子貴 封太淑人

同上

譚氏孟宗孔妻事舅姑以孝聞舉二子教之有成

同上

李氏季光先側室光先歿李年二十九苦志守節紡績

教子子良謨國學生

同上

楊氏程廷珏妻年二十七夫歿子錫昌甫二齡氏紡績

撫孤成立晚好施捨鄉里多沾其恩年八十餘卒

同上

沈氏俞廷燮妻夫歿氏守遺孤成立歷五十餘年 同上

張氏許繼周妻繼周歿苦節三十餘載 同上

鄭氏何嗣昌妻嗣昌病劇氏刲股以療越一年夫卒遺孤方在襁褓撫之成立苦節三十年 同上

石氏鄉農石子珍女陳邦立妻嫁四年而夫歿子長年甫二歲氏食貧無二志以清明日掃夫墓歸慟哭自縊

同上

蘇氏母疾刲股以療歸附貢生韓奕姑病氏復刲右股進之其季媳李氏年十九夫病篤刲股不能救請於堂

上繼伯子嗣齡撫育教誨歷四十九年 同上

增修甘泉縣志 卷十七 列女 七

張女許字庠生劉用恕未嫁恕歿年二十父母更擇配女不從亟請歸劉事翁甚謹翁以貧又欲嫁之氏聞斷髮破面誓不欲生惟紉績以養翁逾三年歿 同上

蕭氏賈寅生妻年二十七歲夫歿立嗣勵節四十二年

同上

俞氏蕭日曠妻日曠刲肝救母歿俞年方二十五歲事舅姑家貧甘旨皆資其十指舅姑歿拮据以殮殯葬皆竭力中禮守節歷四十九年終雍正三年題准建坊

旌表里人祔祀於梅花嶺日曠祠 同上

楊氏張澈妻澈死楊年二十子尺木甫週歲食貧訓子

補郡諸生先後娶二媳皆故各遺一子又躬自撫育及其成立年七十三卒 同上

楊氏庠生陳應鳳妻夫歿氏年二十八遺子華尙幼茹苦教子官秀水知縣氏年八十 同上

俞氏蕭廷芳妻年二十而寡矢志撫孤子長娶婦生孫後子孫相繼亡媳亦改適蕭遂依母家紡績自給卒年六十二 同上

蕭氏石嶠妻事夫至敬夫亡哭晝夜不輟瞳子墜焉由是飯不稻米啖楚餅八年歿 同上

汪氏黃應聘妻二十三歲夫亡孝養孀姑撫子成立守

增修甘泉縣志

卷十七

列女

八

節六十年於雍正元年題

旌 同上

吳氏汪文斗妻方迎娶輿甫及門文斗以暴疾歿氏聞悲悼求赴父母不許氏截髮毀容誓必死父母聽之遂往爲文斗執喪舅姑心惻爲之立嗣守節三十七年雍正二年題

旌 同上

王氏中書方成可側室夫疾革時王年十九呼至榻前畀以金帛遣嫁王撫床號痛截髮自誓夫故卽屏居小樓惟朔望下樓一謁其嫡撫子願瑛成名年六十一歲而卒雍正七年

旌表願瑛厯官至觀察有聲 同上

錢氏卞玉相妻年十九適卞夫已臥疾年二十二夫歿

事太姑暨翁姑盡孝守節三十七年嗣子之鑿歲貢生
雍正二年題 旌 同上

續志考正選舉貢生內無卞之鑿

蕭氏孝子日曠女歸高成英生子女各一年二十七英
卒荼苦守貞英弟成業敬事寡嫂撫其子女如己出未
幾業卒妻俞氏年未三十無子守志妯娌以讓以和稱
一門雙節 同上

張氏耿大廉妻年二十四寡生遺腹子兆昌守節五十
年以歿雍正三年 旌表 同上

錢氏卞咸亨妻年二十五夫病刲股進之不效誓隨夫

增修甘泉縣志

卷十七

列女

九

死祖姑力勸之方止勉撫子女而孝事祖姑後子泓有
文名為歲貢生計守節二十年雍正四年 旌表 同上

續志考正選舉貢生內無卞泓

俞氏徐裔蔚妻年二十二而寡守節四十五年侍祖姑
病便遺皆手自洗滌姑歿鬻釵珥以殮撫二子俱成立

雍正四年 旌表 同上

楊氏庠生郭綏妻年二十而寡奉舅姑育孤子守節三
十七年雍正四年 旌表 同上

湯氏吳願臣妻年二十二歲夫歿家貧苦節操作以事

翁姑計守節三十三年雍正四年 旌表 同上

徐氏吳敦佑妻二十四歲夫歿無子跪求孀姑程氏以嫡姪立後撫之成立守節二十九年雍正四年旌表

同上

韓氏李宏涵妻二十四歲夫病刲股以進不效韓矢志

撫孤計守節三十三年雍正四年旌表同上

仲氏藍應舉繼妻二十八歲夫亡甘貧守節五十五年

雍正四年旌表同上

居氏王待聘妻年二十四夫亡子未一週居親自操作

訓子成立守節三十一年雍正四年旌表同上

程氏吳念祖妻年二十一夫歿苦節撫孤四十一年雍正

增修甘泉縣志 卷十七 列女 十

正五年旌表同上

王氏鄭毓琮妻二十四歲夫亡後翁又客死江右王盡

鬻其產倩人輿柩回里塋葬事嫡庶兩姑俱極孝嫡姑

歿殮殯尤盡力焉繼一子又隨歿苦節三十二年雍正

五年旌表同上

閔氏巴士遇妻年二十四夫歿撫孤矢節奉孀姑盡孝

歷三十三年雍正五年旌表同上

羅氏吳植松妻年二十六夫亡於西粵親往撫柩葬於

祖塋撫孤守節四十三年雍正五年旌表同上

馬氏胡重英妻二十二歲夫歿守節四十七年雍正六

年 旌表 同上

朱氏淶洋湖虞大義妻婚後期年大義死姑亦相繼歿大義兄大典欲奪朱志朱不從引刀扼吭穿其喉三寸許死年二十二 同上

吳氏程昊孝妻二十九歲寡撫孤守節二十六年 同上

季氏高以遵妻年十九夫亡有二子叔利其遺產逼令改適季投繯投井並為人救不死乃攜二子避出以女紅自給悉棄其所有與叔俟二子長成至七十四歲終 同上

王氏高克標妻年二十六夫亡事祖姑與姑及歿殫力

增修甘泉縣志 卷十七 列女 十一

營殯葬撫三子俱有成苦節四十年至六十六歲終 同上

王氏鄭祖怡妻年二十九寡事孀姑育襁褓子苦節三十五年 同上

汪氏方文學妻夫歿年二十七無子請於舅姑立姪天育為嗣撫養教誨如所生苦節二十一年康熙丙子天育舉於鄉 同上

鄔氏劉國鼎妾夫卒遺二孤長甫二歲次未一月氏守志撫孤歷三十餘年次子謙雍正癸卯舉於鄉 同上

陳氏韓汝舟妻夫早歿無子苦節終身曹氏庠生韓汝泰妻年十七夫亡撫遺腹子根定苦節數十年 同上

孫氏吳兆熊妻嫁三年熊病劇孫割股肉兩片血濡衣
裙暈而復甦熊竟不起後二日孫哀號創裂而死 同上

李氏宋丞相庭芝後適高士衡衡卒撫遺腹子茹苦奉

姑姑病劇割股以救守節三十年 同上

楊氏年十六父病割股獲愈適庠生樂世采姑病又割
股療之氏妹適俱玉紳夫亡年十九矢志撫孤子復天
氏歸依父家後繼姪長松爲嗣婚娶皆出女紅守節終
身 同上

程氏進士文正女適監生江昺昺初疾氏割股屢進不

差踰兩月以悲痛死 同上

增修甘泉縣志

卷十七

列女

三

姜女幼字趙南山未嫁夫亡氏往弔誓死其母強之歸

是夜飲鹽滷數碗而死縣令張瑀表其墓 同上

吳氏陳標妻夫病篤泣禱于天請以身代絕食成疾卒

後夫病尋愈 同上

秦氏高克閭妻年二十夫亡吞金欲殉不死乃守節嫁

其二女立姪爲夫後卒 同上

萬女名康淑幼字袁氏子袁病亡女請往視殮父母不

可女於邑登樓自縊死乾隆六年 旌表

周氏汪沂妾年十九生子彌月沂歿嫡憫其幼令改適

周抱子哭矢志勿二及子女樑婚方有孫而子媳相繼

歿周更撫孫時照成立娶孫媳閔氏生曾孫培時照又
早喪周偕孫婦閔氏撫培至七齡年六十九歿閔撫孤
子培家益貧紉績拮据爲培婚生子名甫四齡培復亡
閔偕婦張撫孫亦如周偕閔之撫曾孫焉閔年廿六而
寡歿年七十五培妻張氏撫孤時二十六壽八十五矢
節之年與周閔等凡四世各苦節五十年 同上

鄒氏適萬氏子萬貧而無賴鄒姿頗麗諷之以不貞鄒
恚赴水死 同上

徐貞女縣學生復之女許字同里閻班生未娶而班生
歿貞聞欲臨喪家人以禮阻之遂誓死不更適依寡母

增修甘泉縣志

卷十七

列女

三

樓居二十年幅巾覆首繡大士像一軸懸於室中晨夕
禮拜茹素終身後歿於母家 同上

范氏杭一震妻年二十一夫歿遺腹生男苦守三十餘
年 同上

葛氏高子碩妻守節三十六年終其身 同上

王氏周士英妻二十一歲夫歿守節五十三年 同上

歐氏潘大謙妻二十二歲夫歿守節五十二年 同上

高氏貢生蕭廷瑞妻夫早歿守節至八十一歲卒 同上

陳氏魏學祖妻年二十一寡事病姑立姪之中爲學祖
後教之讀書食餼有聲守節至七十外邑令龔詳請題

准旌表

陳氏葛亮妻亮故貧歿父母俱存遺三子氏紡績以為事育口授諸子經書子稍長以父所著四書講義授之曰此爾父心中血也子崙乃手輯板行之陳守節五十餘年子崙諸生崙歲貢生另有傳同上

奚氏舉人史奭妻奭早逝奚撫孤克欽成立年踰六十卒同上

裔氏年二十四適孫大成大成母及二女俱不潔氏返母家語其母以死誓不辱及還姑與二女方同客歡飲氏耻之乃扃門縫紉其袷相以青白線二縷自縊死知

增修甘泉縣志

卷十七

列女

十四

府孔毓璞為立墓於雙烈之側雍正十三年旌表同上

程氏貧民項起鵠妻婚甫三月起鵠賈粵西死於岑溪縣雍正二年十月訃至氏號痛誓以身殉次年值起鵠週忌自縊而死時年二十四歲里人葬於平山雙烈之右邑令王元穉為下拜題碣曰烈婦項程氏之墓雍正

十三年旌表

朱氏簡士德妻夫歿撫遺孤子成立守節三十三年江都志

樊氏焦必萃妻年十九夫歿撫遺孤子成立守節四十

四年同上

周氏監生湯啟哲妻年二十二寡苦節二十餘年 同上

戴氏韋尙義妻夫歿赤貧苦節二十年 同上

黃氏王士林妻二十五歲夫歿苦節撫孤三十五年 同上

童氏韋之珩妻苦節三十餘年 同上

羅氏胡錦雯妻二十五歲夫歿守節三十一年乾隆五

年題 旌

鄭氏閔行妻二十八歲夫亡撫孤奕儁娶婦姚氏姚方

二十七歲奕儁客死淮北襁負其子華渡河扶觀備嘗

艱苦二寡一孤煢煢相守鄭氏守節三十五年姚守節

三十年題准 旌表 雍正江都志

增修甘泉縣志 卷十七 列女 五

王氏庠生史品節繼妻二十四歲夫歿守節至今四十

八年子道義府學生事母至孝 同上

朱氏裴晉駟妻年十八于歸閱三月夫歿守節二十九

年今四十七歲 同上

江氏庠生蘇廣妻年十八于歸閱六月而夫歿撫遺孤

子允德年十七補諸生娶婦曹氏二年允德歿曹年二

十四歲事姑撫孤備嘗艱苦江守節四十八年曹守節

二十四年曹子蕃入江都學 同上

張氏潘仁傑妻年二十九夫亡守節事八十之翁撫七

齡之子歷今三十六年 同上

馮氏丁某妻守節三十年婦朱氏亦守節四十年 同上

姜氏徐恆初妻年二十八夫亡守節至八十六歲 同上

李氏庠生瞿日升妻年二十餘夫歿守節三十年 同上

丁氏姜履坦母二十五歲夫亡守節今年踰九十 同上

余氏吳學仲妻二十九歲夫歿守節五十年 同上

高氏貢生耿鳴球妻年二十六夫歿守節二十餘年 同上

許氏字庠生李清志未婚清志歿氏聞服衰麻至喪所

憑棺大哭遂留事翁姑不五年病歿 同上

方女父用威母吳氏病篤割股二次進之痊字仇觀瀾

未婚而寡女號慟欲歸於仇兩家俱阻之女不從遂歸

增修甘泉縣志 卷十七 列女 六

仇氏茹素衣縞垂三十年邑令蔣鶴鳴旌之曰媲美共

姜 同上

吳氏幼字仲立本立本未婚歿氏奔喪至其家孝事翁

姑雖至戚不通半語未幾翁歿家益貧氏紡績養姑歷

三十六年邑令張有觀旌之 同上

郝氏孟賜榮妻年十八夫亡上事翁姑下撫孤子苦節

十八年而歿 同上

蔣氏朱時麟妻夫亡守節撫子鳴岐鳴荆俱入學年五

十餘歿 同上

宋氏庠生張淑妻二十五歲寡奉姑至孝姑歿柩在室

鄰火將及之宋泣號拜禱火即止守節三十五年歿乾隆元年題 旌

蔡氏桑延齡妻二十歲夫歿守節六十一年雍正江都志

高氏監生郭琦妻守節今四十年 同上

湯氏庠生朱泓繼妻于歸歲餘泓沒湯年二十六撫前婦子繩如己子守節今三十二年乾隆四年題 旌

張氏孫肅妻二十四歲夫歿撫遺腹子守節三十五年

同上

王氏史克統妻年十七于歸半載夫歿值翁病氏割股和藥進之與孀姒趙氏並姪女效廉同居守節三十餘

增修甘泉縣志

卷十七

列女

七

年 同上

徐氏蕭廷燐妻姑朱氏衰年齒落以乳飼之鄉黨稱其孝 同上

李氏蔣學禮妻姑老疾數月不解衣帶學禮死李年三十苦守三十餘年 同上

饒氏庠生王業昌妻喪夫遺孤二歲盜劫其家饒置孤子複壁索孤火灼其膚終不言而免苦節四十餘年歿子監生復安妻魏氏事姑孝常以舌舐其瘡守節五十四年 同上

彭氏王業中妻守節五十餘年 同上

蘇氏王國泰妾國泰歿蘇矢志撫孤終身不茹葷衣帛
歷三十三年歿子宜爵庠生 同上

楊氏杭篤生妻年二十五歲寡守節三十餘年 同上

薛氏主簿徐爾揚妻守節今四十年 同上

續志考正後複出

朱孝女名蓮性至孝雍正乙卯父病割左臂肉和藥以
進閱五年母病復割右臂肉和藥以進俱不效痛深傷
重家人延醫治之女曰女不可以體膚示人遂病歿士
大夫俱作詩歌弔之

吳氏孫元昭妻昭客皖死氏迎柩歸葬守節三十八年

增修甘泉縣志

卷十七

列女

六

歿

同上

朱氏吳御繼妻二十八歲喪夫有子甫三歲撫之成立
今守節三十六年 同上

王氏監生李正東妻年十八夫歿遺腹生一女三黨勸
之改適王誓以死守後依其女以活苦節今三十三年

同上

方氏年十六適余佳庚及二十二夫歿方撫兩月幼子
守節二十五年乾隆元年 旌

陳氏閻苞生妻年二十餘夫歿生遺腹一子上養舅姑
以女工易米而子女食麥屑自食糠粃舅姑歿不離柩

側者三年今六十有七苦節歷四十餘年乾隆三年旌

石氏李標繼妻嫁未一年夫歿守節二十六年乾隆二
年題旌

張氏陳士坤妻夫卒遺孤八歲守節四十年弟士信亦
早卒無子妻凌氏同守節姑病刲股和藥以進

雍正江都縣志

劉氏黃家章妻夫歿劉苦節數十年撫二子穎鎔俱補

諸生同上

張氏庠生李境妻守節四十九年次子婦焦氏守節三
十年歿乾隆五年旌

增修甘泉縣志

卷十七

列女

十九

張氏侍郎張鵬女庠生李肇斗妻姑病刲股和藥以進
二十一歲夫亡守節三十年歿同上

奚氏趙炳蔚妻年二十七夫歿撫四歲孤守節四十六
年乾隆二年題旌

劉氏朱應祚妻年二十四夫歿守節五十三年同上

倪氏蔣士標妻年三十寡苦節三十三年子獻邑庠生

雍正江都縣志

喬氏張延慶妻二十七歲夫歿守節三十六年同上

顧氏生員高鼎牧妻年二十八夫死事姑至孝教子有
方姑病夜深潛齋沐焚香籲天求代姑垂沒語氏曰汝

孝誰知生無以報死當佑汝子盡成名耳守節四十餘年歿長子元崑康熙戊戌進士福建鹽法道仲子元崙康熙丁酉舉人邳州學正

同上

余氏高熊彥妻彥卒余年十八遺腹生子彭年未幾翁姑相繼沒盡力營葬挈子歸母家或潛謀奪其志余與孤兒夜投伯高夔彥告以故欲自盡夔留之給衣食焉彭年漸長氏使就村塾天甫明卽迫之出後彭年補諸生未幾復病死氏益貧窘苦節七十一年壽八十九卒

同上

章氏劉鴻功妻守節三十五年

同上

增修甘泉縣志

卷十七

列女

三

馬氏孫枝藻妻守節五十三年至八十一歲歿

同上

余氏王彥孝妻年二十三生子而夫歿守節五十年

同上

胡氏許士圻妻守節至今三十三年

同上

汪氏湯有虔妻年二十四寡守節今三十餘年

同上

瞿氏貢生趙仙庚妻二十九歲夫亡守志今二十六年

同上

吳氏王元泰妻夫亡守節三十餘年

同上

于氏進士雲石女年十七適庠生李錡早亡遺一子肇登甫五齡家甚貧氏撫孤守節冬月無絮爨下斷炊族人勸其改適氏以死自誓至自縊兩次救免苦節四十

餘年肇登餼於庠貢成均 同上

續志考正肇登係府學生乾隆二年貢選舉內脫

鄭氏張世名妻二十一歲夫亡守節四十七年 同上

王氏李元凱妻夫亡割髮矢志守節三十七年 同上

劉氏吳嘉游妻二十六歲夫歿守節三十四年 同上

常氏生員凌祐穎妻撫孤守節五十五年今八十五歲

同上

沈氏賈正妻年二十二喪夫生遺腹子守節今四十年

同上

郭氏朱懋昭妻夫亡守節今五十餘年子珏雍正癸卯

增修甘泉縣志 列女 卷十七 三

舉於鄉 同上

蘇氏吳漣妻二十一歲夫亡守節今三十年乾隆五年

題旌

樓氏鄭國綸妻二十一歲夫歿生遺腹子守節今二十

年 雍正江都縣志

杜氏張之政妻年十六于歸姑疾割股瘳之二十七夫

亡翁勸之改嫁不可事翁逾孝歲歉必購米作炊以奉

而自食糝糠止一子已娶媳而子天一室二嫠二十餘

年人不堪其苦而姑媳安之 同上

單氏年十六歸孫甯生甯生病割股不效纒首柩旁姑

救之甦遂矢志事姑姑得痺疾飲食便溺皆手親之數年不懈苦節三十年乾隆二年題 旌

汪氏羅芳一妻年二十八夫歿號泣至目眚計守節四十五年 雍正江都縣志

孫氏束坤妻坤遠出舅患癰姑患痢孫手滌中裙奉侍百有餘日後姑歿時語曰勞汝一生無以報汝願汝兩媳亦如汝孝聞者感泣 同上

汪氏凌虞士妻年十九夫亡撫遺孤守節今三十六年 同上

葉氏黃孝先繼妻夫亡守節歷四十五年題准 旌表

增修甘泉縣志

卷十七

列女

三

史效廉癸卯舉人繼鰥孫女許字張櫨木未嫁櫨木歿女號哭臨喪嚙指誓不再嫁時寡母趙年七十女日事針黹手種舍旁隙地給母養殮歲時祭其祖考并及亡夫歷今二十三年矢節彌篤云 同上

李氏姚一松妻十八歲夫歿撫孤子守節三十九年 同上

王氏監生黃也山妻年二十七夫歿守節三十四年 同上

仇氏蔣翹妻年二十四夫歿守節十餘年而亡 同上

程氏監生洪元怡妻年二十九寡與妾江氏同守節四十餘年俱於乾隆三年 旌

王氏呂俱雋妻二十九歲寡苦節三十八年 雍正江都縣志

史氏潘永吉妻二十歲寡生遺腹子苦節五十七年乾隆三年旌

葉氏俞椿妻年二十九守節撫孤至九十三歲終雍正江都

縣志卞氏俞廷玉妻守節教子至善洪善俱武舉同上

陳氏杜天吉妻年二十二夫歿生遺腹子士立守節四十五年同上

吳氏項德輔妻年二十三寡撫孤志發成立至七十終同上

張氏孫愚生妻二十三歲夫亡苦節六十七年至九十同上

增修甘泉縣志 卷十七 列女 三

終同上

汪氏諸生程麟祥妻二十九歲夫歿今守節四十六年同上

楊氏張士賢妻年十九夫亡越七日舅姑相隨而歿楊疊舉三喪不勝其慘越五月生遺腹子守節今二十七同上

續志考正後複出

程氏監生余之衡妻年二十四夫亡育三子守節三十年病劇曰前之所以不死以三子未立也今可死矣不服藥而歿乾隆三年旌表入祠同上

殷氏蔣旭妻年二十甫婚兩月夫亡隨執翁喪事哀姑
鞠遺腹子子復天苦節二十餘年 同上

龔氏孔學龍妻姑病刲股治療夫歿艱難鞠子守節三
十一年 同上

翟氏監生吳琦妻守節三十五年 同上

高氏庠生楊宏選妻守節三十二年 同上

孫氏胡高標妻守節三十一年 同上

汪氏王咸徵妻守節四十八年今七十六歲 同上

奚氏潘皚妻年二十七夫歿守節三十年乾隆二年

旌

增修甘泉縣志

卷十七

列女

三

高氏潘照妻夫亡時年二十三守節二十一年而歿備

歷艱苦為鄉黨所稱乾隆四年 旌

陳氏李友椅妻二十二歲夫亡撫孤守節閱六十年 雍正

江都縣志

王氏李友柏妻年十八夫亡撫孤守節至八十一歲歿

同上

何氏李友榛妻年二十夫歿撫二子守節至八十七歲

歿 同上

彭氏李友梗妻年十九夫歿守節至九十六歲歿子之

璜補縣學生 同上

吳氏高相州妻二十七歲夫亡守節至七十歲歿 同上

鄭氏閔士琬妻年二十夫歿苦節四十餘年 同上

蔡氏姜佩蒼祖母年十九而寡遺孤二歲撫之至長娶

婦袁氏二十六歲而寡姑媳相守蔡歷年六十九歿袁

歷年四十八歿 同上

閻氏生員周子信妻年二十七夫歿事姑守志康熙已

卯河決從洪濤中手挽翁夫兩棺厝之高阜獨支門戶

撫養二子守節二十五年歿 同上

韓氏生員潘瀛妻年二十一夫亡立姪為後苦節四十

六年巡撫張公伯行旌其門乾隆二年 旌

增修甘泉縣志 卷十七 列女 五

程氏國明之女年十八配方士鑑甫及一載夫病刲股

和藥不效氏志堅金石歷三十九年乾隆二年 旌

張氏閔天緯妻年十九夫亡撫孤守節歷三十一年 雍正

江都縣志

王氏謝廷恩妻年二十八夫亡繼姪捷生為嗣守節四

十七年 同上

馬氏黃履勗妻年二十三夫歿守節歷今二十七年 同上

俞氏許士雄妻年二十四夫亡撫孤守節歷今三十八

年 同上

周氏裔翠屏妻年二十六孀守節四十三年 同上

蔣氏生員郝喆妻二十九歲孀守節四十三年 同上

吳氏方敦化妻年二十寡守節近四十年歿乾隆二年

旌表媳許氏年二十一寡與吳伶仃相守今將三十年

矣 同上

劉氏周在朝妻年二十六夫亡今守節四十三年 同上

蔣氏監生胡起元妻二十六歲夫亡無子以姪爲子孝

事翁姑割股療翁病守節撫嗣今二十六年各當事匾

旌之乾隆元年 旌

蔣氏張克明妻二十三歲夫亡撫孤守節十八年歿 雍正

江都縣志

增修甘泉縣志

卷十七

列女

三

鄭氏趙嶸妻二十三歲夫亡守節四十年今六十三歲

同上

張氏監生劉光裕妻婚半月夫遠出歸半年夫死家貧

以女科醫自給今守節三十三年部使者多表其閭 同上

劉氏張思孔妻二十三歲夫亡守節五十九年終 同上

方氏王煥妻年二十三夫歿守節今三十九年 同上

張氏井養賢妻守節三十餘年 同上

續志考正後姑胡氏傳內複出

張氏趙君榮妻二十九歲夫歿守節四十七年 同上

劉氏于元璜繼妻二十七歲夫歿守節五十二年 同上

羅氏于仁鑒妻二十四歲夫歿今守節四十二年 同上

季氏于傲整妻二十五歲夫歿今守節三十年 同上

鄭氏張峻標妻年二十六夫亡撫四歲孤苦節四十七

年歿 同上

周氏常守信妻守信墮水死周年二十六族人謀奪其

志周斷髮矢志撫二孤苦節三十七年歿乾隆五年

旌

白氏郭士英妻年二十八夫亡事孀姑撫幼子苦節四

十三年 雍正江都縣志

顧氏諸生繆斌妻年二十四寡撫孤守節二十四年歿

增修甘泉縣志

卷十七

列女

三

同上

洪氏程曙妻年二十九夫亡守志撫子子又歿繼三歲

孫相依至九十六歲雍正元年 賜粟帛 同上

王氏庠生姚典妻年二十一夫亡代夫事舅姑竭力殯

葬又為夫幼弟娶妻生子以延宗祀苦節歷四十年 同上

吳氏王廷傳妻年二十一夫亡無子其翁姑年已六十

家無次丁勸翁納妾生一子而二老繼歿吳乃撫幼叔

長成盡以遺產畀之而留薄田自給守節歷今已五十

一年 同上

洪氏潘濟遠繼妻年二十五夫亡遺腹生一女并前出

一女矢志苦節三十年歿 同上

萬氏項嘉遠妻年二十一夫亡守節歷今二十七年乾隆五年 旌

孔氏劉士通妻年二十三寡守節歷今五十二年乾隆三年 旌

周氏石守義妻年二十五守節歷五十年乾隆三年 旌

俞氏潘君榮妻年二十九寡守節六十一年壽九十終 雍正江都縣志

薛氏宋之歐妻年十八喪夫苦節五十餘年 同上

增修甘泉縣志 卷十七

列女

美

盛氏庠生狄時雍妻年二十一夫亡守節歷今四十餘年 同上

程氏葉幼禽妻年二十七夫亡事祖翁及孀姑盡孝生一子又歿苦節歷今三十七年 同上

汪氏吳文升妻年二十四夫亡守節歷今二十八年 同上

沈氏張文秀妻年二十七夫亡守節五十八年終 同上

羅氏庠生孫友仲繼妻年三十夫亡守節歷今三十二年 同上

韓氏進士日起女適庠生喜友龍夫病刲股和羹進之不效守節撫孤娶婦後乃大慟跪夫木主前日可相隨

地下矣遂絕粒死孫立本庠生娶汪氏亦二十一歲守節乾隆三年旌

馮氏寇鐘繼妻十四嫁十六孀家貧紡織撫孤苦節三十餘年乾隆三年旌

吳氏庠生方祖耀繼妻二十八歲夫亡守節三十三年乾隆二年旌

王氏張啟緒妻十六于歸未期月夫歿孝事舅姑撫姪為嗣苦節三十五年雍正江都縣志

王氏沈日融妻年二十七夫亡守節四十年同上

錢氏李日翔妻年二十八夫亡守節五十餘年同上

增修甘泉縣志 卷十七 列女 无

汪氏劉廷弼妻年二十七夫亡撫孤守節五十六年雍正元年

正元年 賜粟帛同上

徐氏彭苓妻年二十三夫亡生遺腹子苦節三十五年

子又亡媳張氏亦守節同上

朱氏黃柳人妻年二十夫亡生遺腹子苦節終身同上

曾氏襄愍公裔孫女國學生蔣銳繼室銳歿曾撫前妻

三子已二字俱完婚娶先後四子相繼亡曾率子婦張

氏史氏曾氏陳氏皆茹荼苦守誓志不二以撫鞠諸孫

人稱一門五節同上

鄭氏吳人元妻年十九夫歿一子方襁褓撫之成立守

節三十八年雍正五年 旌表子家龍授鹽運副使同上

浦氏宦介公妻年十九夫亡子周歲撫之二十五年子

與媳偕歿又撫其孫苦節六十九年雍正六年 旌同上

何氏孟嘉諭妻年二十七夫亡事翁姑盡孝苦節二十

六年歿雍正六年 旌同上

田氏龔氏俱許培元側室培元歿時田年二十三龔年

二十一俱茹苦守節撫二子成立歷今三十餘年 同上

相氏閔懋勗妻年二十夫亡守節不渝 同上

夏氏蔣泗雲妻年二十四寡事舅姑撫孤子苦節五十

年至七十四歲歿 同上

增修甘泉縣志 卷十七 列女 三

程氏監生鄭一桂妻年二十三夫亡守節三十年 同上

龔氏吳自鈺妻年二十二夫亡苦節撫孤今四十六年

同上

陸氏知州應幾女監生郝勸繼妻年二十九夫亡事孀

姑極孝親授孤子經書苦節二十八年歿乾隆二年

旌 張氏程焯妻年二十七夫亡撫孤守節十八年 雍正江都縣志

王氏張衍恒妻年二十夫亡惟一女撫之出嫁苦節終

身 同上

叢氏太學生楊仁澤妻年二十五夫歿守節撫孤三十

九年卒 同上

徐氏女許配淮安庠生諸某未嫁而夫亡女成服于家聞其殯日沐浴縊死諸氏歸其柩與夫合葬焉 同上

貴氏名本賢適陳某不善治生蕩其家託於妻黨一日謂貴曰吾將去任汝改適人貴一慟而殞 同上

許娥年十七字儀徵楊之薇未嫁薇歿娥欲至夫家俱死父母不可中夜遂自縊 同上

譚氏明經費益修妻益修性狷介譚辭績同甘苦值歲災不能存活誓以潔死自沉井中其姪女三姑爲阮玉聲妻亦泣謂玉聲曰舅姑年俱八十可善事之從入井

增修甘泉縣志

卷十七

列女

三

死 同上

傅氏李載揚妻事舅姑孝遭歲饑度不能活忍死以養姑曰姑耄失明吾何忍輕一死及計無復之乃泣拜姑前入井死 同上

戴氏杭國鉞妻年二十八夫歿事翁姑生養死葬盡婦道如子職撫五月孤子未幾孤又夭氏絕食三日不死守節二十八年

丁貞女幼甚孝父母愛之欲擇佳婿年三十未得偶因請終養朝夕不離父母者二十餘年歲丁亥一月中父母俱中危疾起臥必藉人扶抱兄又孱軀不勝任惟女

一身兼之及父歿甫二旬兄又歿女盡將所有環珮簪珥貨之以備兩喪而奉母撫遺姪以老今母年八十八女年六十一

劉氏庠生張天祥妻年二十五而夫歿苦節四十年乾隆五年旌

金氏吳天城妻幼克孝有小孝女之稱年十六于歸躬操井臼事舅姑年二十六夫歿撫二孤守節五十四年八十二歲歿乾隆三年旌

胡氏井三才妻三才歿氏年二十九遺孤養賢纔三歲紡績以供舅姑乙酉城陷舅姑死遺孤被掠氏爲舅姑

增修甘泉縣志

卷十七

列女

三

營喪哭泣幾喪明後養賢自金陵逃歸依母不離晝夜年三十始娶張氏又能佐夫奉姑胡歿年六十四養賢以哀毀致疾延十數年亦死張守節三十餘年其貞操與姑畧同勞心課子年七十四而終子道成歲貢生道茂邑庠生孫王謨戊午經魁王賓郡庠生

續志考正道成係康熙四十年貢選舉貢生丙脫孫氏姜秉文妻年二十六而寡遺孤昌謨甫六月氏茹荼撫孤以十指所獲延師課子白衣鶉結食藜藿冰操二十四年子今成立鄉黨賢之

邱氏生員劉駿妻年二十夫歿守節撫子楫入庠歷十

五年邱歿楫妻姚氏年二十七夫亦歿守節撫子及孫俱成立

雍正江都縣志

續志考正姚氏後複出

羅氏余有慶妻夫亡遺二子家貧甚躬操作得升合以養子復傭身於大戶所得一錢尺布皆苦積營地葬夫

歷苦節五十五年

同上

呂氏高文或妻年二十九夫歿撫孤苦志三十三年郡縣旌之

徐氏嵇良甫妻年二十夫歿撫遺腹子成立苦節三十一年

同上

增修甘泉縣志

卷十七

列女

三

員氏貢生履祥女字吳彭元年十九未嫁而彭元歿女聞痛哭不欲生始投繯家人解救繼絕粒父母婉勸之女誓守貞不二其舅姑因以禮迎歸哭夫甚哀執婦道惟謹踰年以嫡姪植爲嗣

同上

高氏金維礪妻年二十九夫亡號慟矢殉念夫僅遺一女無乳則不生是並斬其餘息也依叔守節足不踰閨闕凜然松柏歲寒之操乾隆元年旌表

方氏吳正瀚妻夫亡年二十三欲以身殉因姑老視息人間雖貧乏能以自存而竭力奉養喪葬盡禮今五十二歲乾隆三年題旌

史氏府學生錢元禧妻夫亡年二十九歲守節四十五年治女紅以撫孤孫乾隆三年題 旌

吳氏府學生錢葆祿妾守節三十一年乾隆五年題 旌

史氏監生潘榮植妻夫亡氏年二十九守節三十七年曹氏湯九錫妻賢孝有聲守節三十二年乾隆三年題 旌

汪氏貢生姚藹妻幼嫻書史知循孝道守節四十九年乾隆三年題 旌

范氏監生吳都妻孀姑病篤割股禱天夫家非豐裕能增修甘泉縣志

卷十七

列女

三

週濟三黨之貧窶者守節二十一年而卒乾隆三年題 旌

王氏生員林文奎妻守節四十九年學使者表其閭乾隆五年題 旌

焦貞女許字儒童林廣未婚而夭女跽請父願歸夫家父不能違其志里人稱之

徐氏李文元妻夫亡苦節自勵歷六十餘年乾隆五年題 旌

吳氏王自秩繼妻守節三十一年

雍正江都縣志

虞氏張之通繼妻守節三十一年

同上

于氏陳達妻守節三十年 同上

梁氏高凌妻守節五十餘年 同上

鮑氏閔學妻守節三十一年 同上

薛氏嚴某妻守節三十二年 同上

方氏謝士位妻守節五十一年 同上

蔡氏田益俊繼妻守節四十五年 同上

項氏年十九許字郡庠生羅睿謀為妻未嫁夫歿誓志

不二守貞而死 同上

程氏謝應璜妻守節五十二年 同上

朱氏尤雲生妻守節二十八年 同上

增修甘泉縣志 卷十七 列女 三

程氏黃以澄妻夫歿年二十六歲守節四十五年

續志考正後複出

張氏龔鼎妻夫歿氏年二十四歲守節四十三年

楊氏張士賢妻夫歿氏年十九歲守節三十五年

續志考正已見前

陳氏杜英傑妻夫歿氏年二十八歲守節五十七年

貞女錢氏許字胡立恒立恒死女年二十二歲矢志不

更適守貞三十六年 以上乾隆元年題 旌

鄭氏吳宏位妻夫歿氏年二十八歲守節五十年

胡氏吳蕃廕妻夫歿氏年二十二歲守節三十七年

蔣氏周維熊妻守節四十餘年 以上乾隆二十一年題 旌

劉氏裕州知州謝震側室隨在官所能佐素絲之節夫
亡氏年二十八歲幾不欲生以大婦慰諭守志終其身
姚氏生員劉楫妻以紡績佐讀夫困場屋不得志而死
故氏課子若孫甚嚴守節三十八年

續志考正已見前

閻氏趙以蘭妻夫患瘵疾侍湯藥三年無倦容夫亡氏
年二十五歲孝養二親長子早夭次子授室而歿與寡
媳談氏相依冰霜輝映里黨稱之

陳氏生員史繼夔繼配事姑孝事夫敬夫既亡矢志不

增修甘泉縣志

卷十七

列女

三

二門內以整肅見稱現今七十六歲守節五十年矣

丁氏楊廷鎔妻孝經列女傳畧能上口故于閨中大節
咸克有焉夫亡守志今三十載矣

程氏鄭爲倬妻夫亡以後嗣爲重身不克殉備歷荼苦
以教子成立今六十二歲守節三十三年

戴氏馬順甫妻夫亡心如皎月垂老子媳俱喪撫一孤
孫現年八十六歲含辛茹苦將六十年矣

汪氏凌光杰妻賦性端莊克盡婦職夫亡舅姑甘旨未
嘗有缺守節二十六年終

史氏潘倬妻夫亡撫遺孤三人延師家塾皆能成立其

次子適中更有文彩

薛氏徐爾揚妻爾揚得川省主簿將之任謂薛曰微官
萬里不能將母奈何薛曰君無慮吾能養之及夫歿敬
以承祭嚴以訓子守節五十七年歷今八十五歲乾隆
三年 旌

續志考正已見前

楊氏王廷儀妻夫亡氏年二十八歲今守節四十七年
程氏沈信妻年二十九喪夫又二年其翁歿家無宿春
程隻手營兩喪撫一子擇師教之守節三十九年乾隆
二年 旌

增修甘泉縣志

卷十七

列女

三

劉氏邑庠生蔣繼韓繼妻夫亡時年二十四歲守志歷
今二十三年

胥氏潘文聘妻守節荼苦歷三十二年

侯氏李大貴妻夫亡氏年二十七歷今三十三年

史氏潘榮正妻榮正素抱羸疾史殫辛苦奉侍之封股
調藥不效而卒史年二十九育子成立守節三十七年
許氏汪文蔚妻守節二十六年 同上

高氏徐日章妻守節四十八年 同上

唐氏童聖公妻守節五十餘年 同上

楊氏監生王廷儀妻守節四十餘年 同上

喜氏卞咸遂妻守節四十三年 同上

孫氏汪瑋妻守節五十年 同上

高氏武舉劉臨地妻守節三十一年乾隆元年 旌

李氏高士衡妻撫遺腹子守節三十年

范氏何天爵妻守節二十七年乾隆元年 旌

韓氏監生李宏泌妻克孝尊嫜勉夫力學夫亡氏年二十二守節二十九年

程氏黃以澄妻夫歿氏年二十六歲守節四十五年乾隆元年題 旌

續志考正已見前

增修甘泉縣志

卷十七

列女

三

鈕氏王德麟妻夫歿氏年二十一歲守節四十三年

林氏張之傑妻傑歿氏年二十一歲守節二十五年

徐氏宰儒生妻年二十五歲夫亡敬事孀姑竭力奉養

當夫歿時氏哀慟幾絕水漿不入口數日黨族勉以撫

孤乃止苦節四十三年現年六十七歲乾隆六年題

旌

徐氏井尚賢妻年十九夫亡氏哀毀骨立將以身殉因

三子俱幼存身以教其成立井夙無家產四壁蕭然氏

乃勤女工以自給并延師以教諸子茹荼冰蘖不苟笑

言歷苦節四十一年存年六十九歲今卒乾隆六年題

旌

胡氏文興吾妻年十九夫亡守節三十六年

汪氏監生李宏沂妻宏沂早逝氏年二十苦節三十年
嚴氏范安康繼妻年二十八歲夫亡守節四十六年歿
邱氏教諭郭振基妾郭歿氏年二十八歲哀毀不食者
數日無子撫嫡孤成立乾隆二年歿

徐烈婦郭宗富妻郭常早出門徐獨處一室有無賴子
儲滄者悅其少艾入室挑之徐隨詈隨避走滄尾後以
手拍其肩徐大叫聲聞於鄰得免夫歸具訴其事夫隱
忍未發明晨夫出徐忿恚縊死乾隆元年 旌

增修甘泉縣志

卷十七

列女

三

蕭氏年十五歸太學方琨爲側室至十九歲夫亡敬事
其嫡而嫡所生一子又夭蕭切請繼一姪爲夫後經營
兩喪守節垂五十年乾隆元年 旌

吳氏許聘閻蓬生未嫁蓬生死女悲悼請歸閻終喪不
果泣曰願從夫地下庶無憾竟死得合葬焉

曹氏生員韓汝泰妻夫歿氏年十九守節三十六年

周氏石守忠妻夫歿氏年二十五守節四十六年

汪氏張宗狝妻夫歿氏年二十八守節三十四年

吳氏戴志彬妻夫歿氏年二十七歲守節二十五年

乾隆四年
題旌

胡氏方士正妻夫歿氏年二十八守節四十三年
畢氏監生范永春妻夫歿氏年二十九歲守節三十六
年

劉氏楊政東妻未適而夫亡氏聞計絕食幾死夫家迎
歸守節未及一年氏亦病故

黃氏王遵璜妻夫歿氏年二十七守節四十二年

賈氏常允中妻夫歿氏年二十四歲守節四十年

史氏王詔妻夫歿氏年二十八歲守節三十一年

李氏王儀縉妻夫歿氏年二十八歲守節四十四年

劉氏趙大武妻夫歿氏年二十四歲守節三十六年

增修甘泉縣志

卷十七

列女

罕

王氏顧文煜妻夫歿氏年二十二歲守節三十年

史氏呂繼臨妻夫歿氏年二十四歲守節二十八年

李氏貢生韓維翰妻夫歿氏年十九歲守節三十一年

王氏貢生楊廷鈞繼妻夫歿氏年二十二歲守節三十

二年

張氏陳穎儒妻年二十六夫亡守節二十七年

陳氏張彭年妻夫歿氏年二十六歲守節四十一年

乾隆五年
題旌

顧氏史在策繼妻夫歿氏年二十四歲守節四十七年

許氏汪可鈞妻夫歿氏年二十三歲守節四十四年

李氏張元漢妻夫歿氏年二十七歲守節四十一年
史氏饒永基妻二十六歲夫亡撫七歲子長又卒氏經
營兩喪皆出女工守節三十八年

胡氏訓導劉豐穀妻年三十夫卒於官氏攜孤扶櫬而
歸教子讀書有成列於庠序守節二十三年

吳氏呂宏統妻年十九夫亡撫二齡孤子守節二十三
年

韓氏金殿宣妻年二十九夫亡守節四十一年

陳氏庠生朱伸妻年二十五夫亡守節二十七年

梁氏生員孫林妻夫亡守節二十三年

增修甘泉縣志

卷十七

列女

望

雷氏貢生錢志遷繼妻二十三夫亡守節三十四年

方氏呂九遠妻年三十夫亡守節五十二年

蘇氏黃霖澤妻二十八歲夫亡守節四十五年

韓氏史統義妻二十五歲夫亡守節三十九年

程氏吳之英妻二十八歲夫亡守節三十四年

江氏汪懋思妻年二十三夫卒守節三十五年

李氏王爾愛妻年二十七夫亡撫四齡孤子恒德守節

三十二年

方氏張起龍妻年二十一夫亡撫三齡孤子守節三十

四年

郝氏顧旭華妻年十九夫亡守節三十四年
舒氏孫秉文妻年二十夫亡守節二十三年已卒
于氏申承基妻年二十五歲守節二十年已卒
仇氏赤岸湖農民貢成儀妻年十五而嫁十九而寡生
二子方穉祿翁姑憐其少諷之改適氏曰翁姑得子遲
故娶媳蚤今子死媳卽子也忍有他志乎隨翁姑力作
以育二藐孤孝慈兼至歷今二十餘年兩孤皆授室氏
且抱孫矣鄉人咸稱重焉

割股救翁者

劉氏蘇登甲妻

增修甘泉縣志

卷十七

列女

望

劉氏蘇謙妻

吳氏方伯妻

程氏汪之炅妻

高氏貢生仇維翰妻

楊氏許渥妻

雍正江都志

割股救祖翁姑者

胡氏焦熾妻

割股救父母者

孫氏韓日暹妻

朱氏女名月恒

王氏馬亮妻

王氏張宗仲妻

樊氏生員史積璋妻

割股救夫者

王氏吳如璵妻

文氏王詢妻

熊氏王汶妻

錢氏諸生李宏永妻

王氏卞國柱妻

以上原志

增修甘泉縣志

卷十七

列女

三